

Azia Leste no Pasífiku: Reforma Ambisiozu Xavi ba Kria Empregu no Kresimentu Rápido

WASHINGTON, Ioron 7 fulan-Outubru tinan 2025 - rejiaun Ázia Leste no Pasífiku kontinua hatudu dezempeña diak liu iha mundu tomak, maibé atu kria empregu barak liu no sustenta kreximentu sei presiza reforma ambisiozu sira enkuantu rejiaun ne'e hasoru inserteza globál sira.

Banku Mundial ninia Atualizasaun Ekonomika fulan Outubru 2025 iha Azia Leste no Pasífiku hatudu katak kresimentu rejionál pursentu 4.8 iha tinan ida-ne'e, tun uitoan husi pursentu 5.0 iha 2024. Viet Nam mak uluk ho kresimentu pursentu 6.6, tui kedas ho Mongolia (pursentu 5.9) no Filipina (pursentu 5.3). Xina, Kamboja no Indonezia ida-idak projeta atu sa'e ho pursentu 4.8, enkuantu nasaun illa Pasífiku sira projeta ho pursentu 2.7 no Tailandia ho pursentu 2.0.

Modelu dezvoltamentu inkluzivu ida ne'ebé susesu iha Ázia Leste hasoru dezafiu foun. Kresimentu servisu foin lalais ne'e barak liu mak iha produtividade kiik, dala barak informál, servisu konaba atendimentu sira ne'ebé oferese oportunidade atu desenvolve limitadu. Aleinde ne'e, joven sira susar atu hetan servisu no partisipasaun feto sira nian iha forsa traballu sei menus. Maske iha espetasaun katak ema millaun 25 mak sei sai husi kiak entre tinan 2025 no 2026, maibe parte populasaun ne'ebé vulneravel atu monu ba kiak atualmente boot liu fali populasaun sira iha klase médiu iha nasaun barak iha rejiaun ne'e.

"Rejiaun ne'e hasoru paradoksu servisu ida - kreximentu ekonómiku ne'ebé relativamente forte aumezmu tempu kriaun empregu ho kualidad la suficiente," Carlos Felipe Jaramillo, Vise Prezidenti Banku Mundial ba Ázia Leste no Pasífiku dehan, "Reforma ambisiozu sira hodi hasai impedimentu sira iha empresa sira nia admisaun no kompetisaun sei loke kapitál privadu no permite empresa dinámika no produtivu sira atu buras no kria oportunidade servisu foun. Banku Mundial nafatin sai parseiru ida-ne'ebé metin ba kompromisu rejiaun nian ba kresimentu inkluzivu ne'ebé apar ho ninia povu nia ambisaun."

Indikadór frekuénsia aas sira kona-ba atividade ekonómika hatudu sinál momentum ne'ebé neneik. Merkadu retallu aumenta daudaun, maibé konsumedor sira-nia konfiansa seidauk recupera ba nivel pre-COVID. Produsaun industriál forte, maibé konfiansa empozariál ki'ik. Esportasaun aselera ona antes tarifa ba taxa sa'e foin lalais ne'e, maibé orden esportasaun foun fraku.

Kresimentu ba tinan 2026 projeta atu tun ba pursentu 4.3. Rezultadu kresimentu sei depende ba restrisaun komérsiu ne'ebé aas liu, diak - maibé inserteza globál sei aas nafatin - no hamenus kresimentu globál, nune'e mós desizaun polítika doméstika, liuliu nasaun balun ne'ebé dependénsia liu ba estimulu fiskál duke reforma estruturál.

Relatóriu ne'e apela ba reforma no investimentu iha kapitál umanu no infraestrutura dijitál sira, kompetisaun boot liu iha servisu sira, no polítika sira atu asegura korespondenti entre oportunidade servisu no ema nia abilidade. Progresu lalais iha IA, robótiku, no plataforma dijitál sira ezije abilidade foun no agilidade no adaptabilidade boot liu husi empresa, traballador no polítika nain sira.

"Kresimentu Azia Leste nian ne'ebé intensivu iha traballu no orientadu ba esportasaun hasai ona ema biliaun ida husi kiak iha dekade tolu ikus ne'e, maibé rejiaun ne'e agora hasoru dezafiu rua kona-ba protesau komérsiu no automatizasaun servisu nian," tenik Xefe Ekonomista Banku Mundial Azia Leste no Pasífiku nian Aaditya Mattoo. "Reforma klima negósiu nian no hadi'a edukasaun bele hamosu

siklu virtúál ida entre oportunidade no kapasidade, hodi hamosu kreximentu ne'ebé boot liu no servisu ne'ebé di'ak liu."

Banku Mundial relata kiak ho \$6.85 kada loron ba nasaun sira ho rendimentu médiu aas. Fonte: Banku Mundial nia Datus Tópiku: [Poverty and Inequality](#).

Hetan relatóriu kompletu iha ne'e

Kontaktu sira:

Iha Washington, DC: World Bank Media Relations: +1 (202) 473 7660, press@worldbank.org

Ba informasaun klaru, favór vizita: www.worldbank.org/eap

Akompañia ami iha X: @WB_AsiaPacific

Ba ami nia kanál YouTube: www.youtube.com/worldbank

Komunikasaun Imprensa No. 2026/023/EAP